



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Avrea Clavis Paradisi Beatorvm, Omnibvs Christianis,  
maxime Clericis, quotidie vsurpanda, praecipue hac  
funestâ atque moesta belli tempestate**

**Nicolartius, Petrus**

**Coloniae, 1643**

Vndecima caeli porta Occidua. Apoc. 21. A Deo semper praesente fundata.

**urn:nbn:de:hbz:466:1-10096**



Vndecima cali porta Occidua. Apoc. 21.

A Deo semper presente fundata.

§. 109. **C**OGITA Deum esse spiritum subtilissimum, potentissimum, vivacissimum, per omnia diffusum, omnia penetrantem, omnibus intimè præsentè. *Ioan. 1. Sap. 1. Jerem. 23.*

2. Cogita, hunc immensum spiritum esse intimè præsentè cordi tuo, (*Ephes. 4.*) & ibi in fundo animæ delitescere cum tota potentia, sapientia, sanctitate, maiestate & beatitudine sua, & cum infinitis opibus & bonis, quæ in thesauris sapientiæ & potèriæ illius sunt recondita. Ipsum posse in momento te beatum facere, vnâ scintillam luminis gloriosi communicando. Possesse quoque, si ipsum offenderis, subito perdere, & æternis ignibus tradere.

§. 110. 3. Cogita, eius oculos millicuplò lucidiores sole intueri omnes tuas cogitationes, omnes intentiones, omnes affectus, (*Sap 1. Eccli. 23.*) omnia opera interna & externa: denique omnia nuda & aperta esse oculis eius. *Heb. 4.*

4. Perpende quomodo sit in rebus omnibus; & in primis in teipso per essentiã, per potentiam, & per inspectionem. Per  
essen-



*essentiam*: (*Ierem. 23. Sap. 1.*) quia eius essentia ratione suæ immensitatis, cum omnibus bonis suis ubique est præsens, tanquam intimum fundamentum & sustentaculum rerum. (*Per potentiã: Act. 17. Ioan 5. Hebr. 5.*) quia ubique & in omnibus operatur, omnia creando, formando, conseruando, sustentando, regendo: quæ operatio si cessaret, omnia in nihilum euanescerent. (*Per inspectionem: Eccl. 23.*) quia omnia clarissimè intuetur, & peruidet omnes hominum cogitationes, affectus, consilia, & omnia cordium arcana.

5. Considera, naturam tuam & omnia bona tua ab ipso assiduè pendere, & quasi assiduè creari, & singulis momentis totum quod es, & quod habes, te ab ipso debere accipere: (*Heb. 1. Coloss. 1.*) ita vt singulis momentis totum sit veluti nouum beneficium. Non enim sufficit semel accepisse, sicut in beneficiis quæ ab hominibus dantur; sed continuò accipere debemus, & ipse assiduè donare: alioquin si ipse vel ad momentum cesset à donando, beneficium euanescet. Sicut enim si sol non assiduè lumen suum nobis communicaret, sed vel ad momentum vim suam cohiberet, omnia repente essent in tenebris: ita si ipse vel ad momentum beneficium influxum

E 5 . suum



suum retraheret, omnia in nihilum conciderent.

§ III 6. Cum semper in conspectu tantæ Maiestatis versetur, (*Heb. 4.*) perpende quanta reuerentia & humilitate in omnibus nos gerere debeamus; (*Gen. 18.*) & quanta cura nobis adhibenda, ne quid à nobis interiùs in corde, vel exteriùs in opere committatur, quod ipsum possit offendere. (*Psal. 2.*) Si enim, cum in conspectu alicuius Principis, cui tamen naturæ conditione pares sumus, versamur, reuerenter nos gerimus, & sedulò cauemus, ne quid agamus quod ipsi displiceat: multo magis id nobis curandum est in conspectu tantæ Maiestatis, ad quam comparati sumus instar nihili.

§. II 2. Perpende quantæ impudentiæ & audaciæ, sit audere in conspectu tantæ Maiestatis peccare. (*Sap. 1. Psal. 9. Rom. 2.*) Si enim in conspectu Principis minitantis mortem aliquis præceptum Principis violaret, censeretur illum contemnere, & grauem iniuriã illi irrogare; ac proinde morte dignissimus: Multo magis qui in præsentia & conspectu infinitæ illius Maiestatis fulmen æternæ damnationis committantis audet peccare, censeretur eius Maie-

statem



statem & minas omnes contemnere, & æterna morte dignus est.

§. 113. Statue te quotidie singulari studio in conspectu illius Maiestatis, omnibus aliis cogitationibus semotis, perinde ac si præter te & Deum nihil esset in mundo. Reuela illi viam tuam, allega tuas misérias, & pericula salutis, quibus in hac vita expositus; & posce suppliciter opem, protectionem, & directionem in omnibus viis & operibus tuis, vt in omnibus ita te regat & dirigat, sicut nouit expedire salutis tuæ & gloriæ suæ.

---

*In 11. porta valua altera Occident.*

NOT. §. 114. Sponsus imperat Sponsæ, (Christus animæ) *pone me, vt signaculum super cor tuum* (ardentissimis desideriis) *super brachium tuum* (pijssima actione) Cant. 8. Annulus signatorius figuraq; eius, quia semper in digito, ideo semper ante oculos, menti que obuersatur; ita sponsum animæ piâ iugi recolet memoria, Christum cuius ea signaculum gerit, de pœn. d. 2. fin. repræsentat quippe in nobis similitudinẽ Dei, quod sicut à Deo vno creati sumus omnes, ita ab vno propagati omnes. 33. q. vlt. hæc imago. *Beatus igitur vir, qui in hac sapientia morabitur, & in iustitia sua me-*  
E 6 dita-



*ditabitur, & in sensu cogitabit circumspeditionem Dei. Eccles. c. 14, Cuius oculi aperti sunt super omnes vias filiorum Adam, vt reddat unicuique secundum vias suas, & secundum fructum adinventionum eius. Iere. 32. Aperti sunt oculi eius in nos, ne nostri sint clausi, non respicientes illum. Imago speculi semper intuetur inspicientem speculum, cuius ea, quæ est in speculo, imago est: imago Dei homo est: homo aspicientem se Deum semper, semper aspe-ctet: faciat in se verum, quod S. David Psal. 24. Oculi mei semper ad Dominum: quoniã ipse euellet de laqueo pedes meos. Inuisibilem Deum, tanquam videns sustineat, cū Moyse; vt monet Paulus Hebr. 11. Prouideatque Deum in conspectu suo semper. Psal. 15. Oculus Domini pascit iumentum. Plut. lib. de educ. liberis.*

§. 115. Christianus per fidem videt Deum. 24. q. 1. quia. nõdum per speciem; quia stat post parietem perspiciens per cancellos, respiciens per fenestras. Cant. 1. Leuentur oculi ad eum, qui habitat in cœlis. Psal. 122. vbi siquid creatum tribuitur Deo, (vt statio ad fenestram) fit per similitudinem, non per proprietatem. 24. q. 1. odi. Quod proprie est, credi potest, capi non potest: cum sit ille & trinus & vnus. de consecr. d. 3. c. vlt.



vt Eua Adamum, quia costa eius: sic anima Deum, quia Creator, affectet, continuus-que operator. d. 56. nasci. Anima fit columba, dicat. *Quis dabit mihi pennas sicut columba?* 7. q. 1. aduersitas. Gemens cum ea, cupiat dissolui & esse cum Christo, semper oculo fidei præsens. ib. si eam vendat. Cathedra eius euertetur à Christo. 1. q. 3. non solum. columba, simplicitas mentis est. 16. q. 1. si cupis. d. 36. qui ecclesiasticis. §. ecce. omnibus Deum quærentibus commenda-  
ta. 6. q. 1. ex merito.

§. 116. *Ascendat in palmam Clericus, & fructus eius apprehendat.* Est palma in imo strictior, & quanto plus ascendit, fit grossior; fit ita arctus in rebus terrenis; amplus in quærendo cogitando que Christum. d. 47. omnes. Ascendat Apostolorum SS. more, qui prius adhæserunt Christo ab ipso docti, viderunt Deum Patrem, quia ipsum, in quo erat ille. d. 36. §. ecce. viderunt visibiliter operantem in sacramentis S. Spiritum. 1. q. 1. multæ. Nihil erat eis proprium, vt nihil ad videndum Deum ascendentibus esset graue. 12. q. 1. dilectissimis. deserebant sua & suas, & se. 12. q. 1. præcipimus. memores clericalis in capite rationis. ib. c. duo. credebant esse pessimum, videre nummum, non Christum. ib. 1. q. 1. multi. Socratem



auri pondus abijcientem vincebant, Christo adhærentes. 12. q. 2. gloria. Clericus similiter per sacræ scripturæ peritiam, alcedat in palmam. d. 36 qui ecclesiasticis. magistri fiunt erroris, qui nesciunt scripturas, nunquam visuri Deum. 24. q. 3. quid autem. d. 36. 37. torâ. nulla eis ætas sera, ad discendum sacra. 24. q. 4. si habes. med. semper igitur eis inuigilent. 16. q. 1. sic viue. stas horis inuocent Deum se ostendentem. d. 91. Eleutherius. Hoc vt rectius & perfectius præstent, deonerent se curis secularibus. 21. q. 3. mollitiis. 11. q. 1. te quidem. At hoc rari præstant, vnde & rari, & vix vquam pœnitent recte. de pœn. d. 1. mensuram. & mox sequente. c. (NB.) Quis vidit aliquando clericum civo pœnitentiam agentem? sed & si deprehensus humiliauerit se, non ideo dolet, quia peccauit: sed confunditur, quia perdidit gloriam suam. *pró!*

*Vltima cæli porta Occidua.*

*Ab excitato cælestis patria desiderio exurgens.*

§. 117. **C**ONSIDERA loci amœnitatem & pulchritudinē in quo Iusti semper erunt; qui tantum omnia huius mundi palatia